



საჯარო სამართლის იურიდიული პირი  
**ილიას სახელმწიფო უნივერსიტეტი**



**ბრძანება**

ქ. თბილისი

N 1224-02  
11/08/2020

**სსიპ “ილიას სახელმწიფო უნივერსიტეტის” საკუთრებაში არსებული ქონების - უნივერსიტეტის ბალანსზე რიცხული 3 (სამი) ერთეული ავტომობილის ელექტრონული აუქციონით გაყიდვასთან დაკავშირებით, აუქციონის გამოცხადების, ვადებისა და პირობების დადგენის შესახებ**

„უმაღლესი განათლების შესახებ“ საქართველოს კანონის 23-ე მუხლის 1-ლი პუნქტის, 24-ე მუხლის პირველი პუნქტის „ზ“ ქვეპუნქტის, 85-ე მუხლის პირველი პრიმა პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის N134/5 ბრძანებით დამტკიცებული „საჯარო სამართლის იურიდიული პირის - ილიას სახელმწიფო უნივერსიტეტის წესდების“ მე-19 მუხლის და მე-20 მუხლის პირველი პუნქტის „თ“ და „ი“ ქვეპუნქტების, 48-ე მუხლის მეხუთე პრიმა პუნქტის, ილიას სახელმწიფო უნივერსიტეტის წარმომადგენლობითი საბჭოს 2019 წლის 9 აგვისტოს N4 სხდომის გადაწყვეტილების ქონების გასხვისებასთან დაკავშირებით, აუდიტორული კომპანია „კომპაუდის“ 2019 წლის 09 დეკემბრის N307-ქ დასკვნის, საქართველოს განათლების, მეცნიერების, კულტურისა და სპორტის სამინისტროს 2019 წლის 26 აგვისტოს MES 7 19 01086995 თანხმობის წერილის, მატერიალური რესურსების სამსახურის უფროსის, გიორგი მამუჩაშვილის 2020 წლის 27 იანვრის N1180-35 მოხსენებითი ბარათის, ადმინისტრაციის ხელმძღვანელის 2020 წლის 18 თებერვლის N402-02 ბრძანებისა და სამეურნეო-ადმინისტრირების ლოჯისტის, ზაზა ტუკვაძის 2020 წლის 27 ივლისის N6572-35 მოხსენებითი ბარათის საფუძველზე,

**ვბრძანებ**

1. გამოცხადდეს განმეორებითი ელექტრონული აუქციონი ილიას სახელმწიფო უნივერსიტეტის საკუთრებაში არსებული ქონების - უნივერსიტეტის ბალანსზე რიცხული 3 (სამი) ერთეული ავტომობილის:

- ა) ტოიოტა რავ-4 (სახ. ნომერი UNI-090);
- ბ) ტოიოტა რავ-4 (სახ. ნომერი UNI-200);
- გ) ტოიოტა რავ-4 (სახ. ნომერი UNI-500),

აუქციონის წესით გაყიდვასთან დაკავშირებით - 2020 წლის 17 აგვისტოს და ინფორმაცია განთავსდეს ვებ-გვერდზე [www.eauction.ge](http://www.eauction.ge)-ზე.

## 2. დადგინდეს აუქციონის შემდეგი პირობები:

ა) ავტომობილების თავდაპირველ ნასყიდობის თანხად განისაზღვროს:

ა.ა.) ტოიოტა რავ-4 (სახ. ნომერი UNI-090) – 1190 (ათას ას ოთხმოცდაათი) ლარი;

ა.ბ.) ტოიოტა რავ-4 (სახ. ნომერი UNI-200) – 1130 (ათას ას ოცდაათი) ლარი;

ა.გ.) ტოიოტა რავ-4 (სახ. ნომერი UNI-500) – 1070 (ათას სამოცდაათი) ლარი;

ბ) აუქციონის მიმდინარეობის ვადად განისაზღვროს 14 კალენდარული დღე და დასრულდეს 2020 წლის 31 აგვისტოს;

გ) უპირობო და გამოუხმობი საბანკო გარანტიის/ბეს თანხის ოდენობა დადგინდეს თავდაპირველი ნასყიდობის თანხის - 50 (ორმოცდაათი) პროცენტის ოდენობით:

გ.ა.) ტოიოტა რავ-4 (სახ. ნომერი UNI-090) – 1190 (ათას ას ოთხმოცდაათი) ლარის 50% - 595 (ხუთას ოთხმოცდათხუთმეტი) ლარი;

გ.ბ.) ტოიოტა რავ-4 (სახ. ნომერი UNI-200) – 1130 (ათას ას ოცდაათი) ლარის 50% - 565 (ხუთას სამოცდახუთი) ლარი;

გ.გ.) ტოიოტა რავ-4 (სახ. ნომერი UNI-500) – 1070 (ათას სამოცდაათი) ლარის 50% - 535 (ხუთას ოცდათხუთმეტი) ლარი;

დ) დადგინდეს ბიჯი - თავდაპირველი ნასყიდობის თანხის 10 (ათი) პროცენტის ოდენობით:

დ.ა.) ტოიოტა რავ-4 (სახ. ნომერი UNI-090) – 1190 (ათას ას ოთხმოცდაათი) ლარის 10% - 119 (ას ცხრამეტი) ლარი;

დ.ბ.) ტოიოტა რავ-4 (სახ. ნომერი UNI-200) – 1130 (ათას ას ოცდაათი) ლარის 10% - 113 (ას ცამეტი) ლარი;

დ.გ.) ტოიოტა რავ-4 (სახ. ნომერი UNI-500) – 1070 (ათას სამოცდაათი) ლარის 10% - 107 (ას შვიდი) ლარი;

ე) აუქციონში გამარჯვებულთან გაფორმდეს ნასყიდობის ხელშეკრულება აუქციონზე გამარჯვებულის გამოვლენიდან 7 (შვიდი) კალენდარული დღის ვადაში;

ვ) მყიდველმა ნასყიდობის თანხის გადახდა უნდა უზრუნველყოს აუქციონის დასრულებიდან 10 (ათი) კალენდარული დღის ვადაში - არაუგვიანეს 2020 წლის 10 სექტემბრისა;

ზ) საკუთრების უფლება მყიდველს წარმოეშობა ნასყიდობის თანხის სრულად გადახდის შემდეგ;

თ) მყიდველებმა საკუთარი ფინანსური სახრებით უნდა უზრუნველყონ ავტომობილების გადაფორმება შესაბამის ორგანოებში;

ი) ბეს თანხა უნდა ჩაირიცხოს უნივერსიტეტის სადეპოზიტო ანგარიშზე:

მიმღების ბანკი-სახელმწიფო ხაზინა, მიმღების დასახელება-ხაზინის ერთიანი ანგარიში;

ბანკის კოდი TRESGE22; მიმღების ანგარიში/სახაზინო კოდი - 302007700;

დამატებით ინფორმაციაში მიეთითება 7710, სსიპ „ილიას სახელმწიფო უნივერსიტეტის“ ს/კ 204861970.

კ) საბანკო გარანტია უნდა აიტვირთოს [www.eauction.ge](http://www.eauction.ge)-ზე ან წარმოდგენილ იქნას ილიას სახელმწიფო უნივერსიტეტის F კორპუსში, ოთახი F212 (ჩოლოყაშვილის გამზ. 3/5);

ლ) აუქციონში გამარჯვებული სუბიექტის მიერ ხელშეკრულების გაფორმებაზე უარის, ნასყიდობის სრული საფასურის ხელშეკრულებით დადგენილ ვადაში გადაუხდელობის, აუქციონში მონაწილეობის წესის დარღვევისა და კანონმდებლობით გათვალისწინებულ სხვა შემთხვევებში, უნივერსიტეტი გადახდის ბეს/უპირობო და გამოუხმობ საბანკო გარანტიის თანხას უკან არ უბრუნებს აუქციონში გამარჯვებულ პირს;

მ) უპირობო და გამოუხმობი საბანკო გარანტიის/ბეს თანხის მოქმედების ვადა უნდა აღემატებოდეს ნასყიდობის თანხის გადახდის ვადას არანაკლებ 30 დღით. უპირობო და გამოუხმობი საბანკო გარანტიის/ბეს თანხის მოქმედების ვადად დადგინდეს 2020 წლის 7 ოქტომბერი.

ნ) აუქციონის პირველ ეტაპზე არ ჩატარების შემთხვევაში, განმეორებით მოხდეს შემდეგ ეტაპზე ავტომობილების გატანა აუქციონზე იგივე მოთხოვნის და პირობების შესაბამისად;

ო) აუქციონის დასრულების შემდეგ ნასყიდობის თანხის გადახდა მოხდეს უნივერსიტეტის შემდეგ ანგარიშზე და მიითითებით:

მიმღების დასახელება\_ხაზინის ერთიანი ანგარიში - სსიპ „ილიას სახელმწიფო უნივერსიტეტი“;

მიმღების ანგარიში/სახაზინო კოდი\_ 708997635

მიმღების ბანკი\_სახელმწიფო ხაზინა

ბანკის კოდი\_TRESGE22

გადახდის დანიშნულება\_შემოსულობა სსიპ/აიპ-ის საკუთრებაში არსებული სხვა ძირითადი აქტივების გაყიდვიდან, ხელშეკრულების ნომერი (მიეთითოს ნასყიდობის ხელშეკრულების ნომერი და თარიღი);

პ) აუქციონის დასრულების შემდეგ, ბეს თანხის დაბრუნება აუქციონში მონაწილე იმ პირებისთვის, რომლებიც ვერ გაიმარჯვებენ აუქციონში, მოხდება 10 სამუშაო დღეში.

ჟ) ფინანსთა სამინისტროს მომსახურების სააგენტოს მიერ გასაწევი მომსახურების საფასურის გადახდა განხორციელდეს საქართველოს მთავრობის 2012 წლის 12 აპრილის №141 დადგენილების N2 დანართის მიხედვით (თითოეულ ავტომობილზე - 50 (ორმოცდაათი) ლარის ოდენობით, ჯამში - 150 (ას ორმოცდაათი) ლარი);

რ) თუ ელექტრონული აუქციონი არ შედგა იმ მიზეზით, რომ აუქციონში რეგისტრირებულმა პირებმა რომლებმაც გადაიხადეს ბე ან/და წარმოადგინეს უპირობო და გამოუხმობი საბანკო გარანტია - არ მიიღეს მონაწილეობა სააუქციონო ვაჭრობაში, წარდგენილი უპირობო და გამოუხმობი საბანკო გარანტიის/ბეს თანხა სრულად ირიცხება უნივერსიტეტის ანგარიშზე.

3. საზოგადოებასთან ურთიერთობის სამსახურს დაევალოს ამ ბრძანებით გათვალისწინებული ინფორმაციის უნივერსიტეტის ვებ-გვერდზე გამოქვეყნება;
4. უნივერსიტეტის მატერიალური რესურსების სამსახურს დაევალოს ინფორმაციის [www.eauction.ge](http://www.eauction.ge)-ზე ატვირთვა, საკონტაქტო პირად განისაზღვროს - სამეურნეო-ადმინისტრირების დეპარტამენტის უფროსი-დიმიტრი გორგაძე, ტელ: 577 55 33 21.
5. აღრიცხვა-ანგარიშგების სამსახურს დაევალოს გადაიხადოს ფინანსთა სამინისტროს მომსახურების სააგენტოს მიერ გასაწევი მომსახურების საფასური ამ ბრძანების მეორე პუნქტის „პ“ ქვეპუნქტის მიხედვით;
6. უნივერსიტეტის კანცელარიას დაევალოს მიაწოდოს ამ ბრძანების ასლები რექტორს, ადმინისტრაციის ხელმძღვანელს, მატერიალური რესურსების სამსახურს, ბიუჯეტირებისა და ფინანსური ანალიზის სამსახურს, აღრიცხვა-ანგარიშგების სამსახურს, იურიდიულ სამსახურს, საზოგადოებასთან ურთიერთობის სამსახურს, შესყიდვების სამსახურს, უნივერსიტეტის შიდა აუდიტს.

ქეთევან ლაკირბაია



ადმინისტრაციის ხელმძღვანელი

